



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Gvidoni Rectori Ecclesiæ sancti Matthæi Senensis.

urn:nbn:de:hbz:466:1-20020

terani 111. Non. Februarij, pontificatus nostri anno duodecimo.

*GVIDONI RECTORI
Ecclesiae sancti Matthaei Senensis.*

Soler annuere fedes apostolica piis votis, & honestis petentium precibus favorem benivolum impetrari. Eapropter, dilecte in Domino fili, tuis justis precibus inclinati, personam tuam & Ecclesiam sancti Matthaei Senensis, in qua divino es obsequio mancipatus, cum omnibus bonis tam ecclesiasticis quam mundanis quae in praesentiarum eadem Ecclesia rationabiliter possider, aut in futurum justis modis præstante Domino poterit adipisci, sub beati Petri & nostra protectione suscipimus. Specialiter autem libertatem quam venerabilis frater noster Bonus Senensis Episcopus eidem Ecclesiae provida deliberatione concessit, sicut in authentico confecto exinde pleniùs continetur, tibi & per te ipsi Ecclesiae auctoritate apostolica confirmamus & praesentis scripti patrocinio communimus. Nulli ergo &c. hanc paginam nostra confirmationis infringere vel ei &c. usque incursum. Datum Laterani 1v. Kalend. Februarij, anno duodecimo.

*IOHANNI RECTORI
Ecclesiae sancti Andreæ Senensis.*

Iustis petentium desiderii dignum est nos facilem præbere consensum, & vota à rationis tramite non discordant effectu prosequente complere. Eapropter, dilecte in Domino fili, tuis justis precibus inclinati, concessionem parochia tibi & Ecclesiae sancti Andreæ Senensis pia liberalitate à venerabili fratre nostro Bono Senensi Episcopo factam, sicut piè ac provide facta est, & in ipsius authenticò plenius continetur, ac eadem Ecclesia eam justè obtine & quietè, tibi & per te ipsi Ecclesiae auctoritate apostolica confirmamus & praesentis scripti patrocinio communimus. Nulli ergo &c. hanc paginam nostra confirmationis infringere vel ei &c. usque incursum. Datum Laterani 1v. Kal. Februarij, pontificatus nostri anno duodecimo.

*PRIORI MONASTERII
de Hikeling, ejusque fratribus iam praesentibus quam futuris regularem vitam professis in perpetuum.*

Religiosam vitam diligentibus apostolicum convenit adesse præsidium, ne

fortè cujuslibet temeritatis incursum aut eos à proposito revocet, aut robur, quod abfit, sacræ religionis infringat. Eapropter, dilecti in Domino fili, vestris justis postulationibus clementer annuimus, & monasterium sanctæ Dei genitricis & virginis Mariae sanctique Augustini de Hikeling, in quo divino mancipati estis obsequio, sub beati Petri & nostra protectione suscipimus & praesentis scripti privilegio communimus. In primis siquidem statuentes ut ordo canonicus, qui secundum Deum & beati Augustini regulam in eodem monasterio institutus esse dinoicitur, perpetuis ibidem temporibus inviolabiliter servetur. Præterea quaecunque possessiones, quæcumque bona idem monasterium in praesentiarum justè ac canonicè possider, aut in futurum concessione Pontificum, largitione Regum vel Principum, oblatione fidelium, seu alii justis modis præstante Domino poterit adipisci, firma vobis vestrisque successoribus & illibata permaneant, in quibus hæc propriis duximus exprimenda vocabulis. Locum ipsum in quo præsumum monasterium situm est cum omnibus pertinentiis suis, parochialem Ecclesiam omnium sanctorum de Hikeling, cum Capella beatæ Marie & omnibus pertinentiis suis, Ecclesiam sanctæ Mariae & Capellam sancti Andreæ de Perham cum pertinentiis suis, Ecclesiam & Capellam omnium sanctorum de Hachetun cum pertinentiis suis, Ecclesiam de Hannewirche cum pertinentiis suis & decimis de Ruchon, jus quod habetis in Ecclesia sancti Iohannis Baptista de Wastonesham, jus quod habetis in Ecclesia sanctæ Margaritæ Norvicicensis sita in Vestovic, jus patronatus Ecclesiae sanctæ Margaritæ de Palinge, totam terram quam habetis de feudo de Palinge & de Vastonesham, terras & redditus quos habetis in civitate Norvicensi, terras & redditus quos habetis in villa de Gernemue, & annum redditum quatuordecim marcarum quas ex dono quondam Hamonis de Valenis debent vobis monachi de Gervalle nomine villa de Rocovic. Sanè novalium vestrorum quæ propriis manibus vel sumptibus colitis, sive de vestrorum animalium nutrimentis, nullus à vobis decimas exigere vel extorquere præsumat. Liceat quoque vobis Clericos vel laicos liberos & absolutos è seculo fugientes ad conversionem recipere & eos abique contradictione aliqua retinere. Prohibemus insuper ut nulli fratrū vestrorum post factam in monasterio vestro professo-

D d iij